

[0549]

66. *biloiije*

biloiije 'bidrage, forrifelje, to fiter hawwe' (Halbertsma *biloiije*) is mûlk út **bilōda* ûntstien (forlykje *roaije* [fan beammen] = mnd. mhd. *roden*) en kin dan tobekbrocht wurde ta de ydg. stamme **lā*, ek **lai*-, **lāidh*- en *lādh*-, 'verborgen, versteckt sein' (J. Pokorny, *Idg. etym. Wb*, 651). Foar ús doel komt allinne ydg. **lādh*- yn 'e bineaming, dat him yn it Germaensk as **lōd* fuortset, om't ydg. *ā* en *ō* yn germ. *ō* gearfallen binne. Opmerklik is grif, dat âldnoarsk, nijslânsk *lómr*, in oare útrinder fan 'e selde ydg. wurdstamme, 'mûklist, bidragerij, forrifelderij' bitsjut, *lom* yn it Nijnoarsk in 'skarlún' is en mhd. *luo* (< **lō*) by Pokorny mei 'Nachstellung' (it loeren op) werjown wurdt. Sjoch foar oare sibben yn it Ydg., byg, lat. *lateo* 'forhoalen, forburgen wêze', it hjirboppe oanhelle wurdboek.